

1925 чылдың  
август 31-де үнүп  
эгелээн  
№ 171 (16944)  
2004 чылдың  
ДЕКАБРЬ 30,  
четверг  
Номерни парлагже  
дужааганы:  
график езугаар — 21.00,  
херек кырында — 18.00.  
Садар өртээ 3 рубль.



# ШЫН

## НИИТИЛЕЛ-ПОЛИТИКТИГ СОЛУН

Чазак Даргазы-биле интервью

### Ш.Д.ООРЖАК: “ҮЕ НЕГЕП КЕЛГЕН”

Тыва Республиканың Чазак Даргазы Ш.Д. Ооржак “Шын” солуннуң корреспондентизинге интервьюю берген. Ону мооң адаанда парладывыс.

—Россия Федерациязының удуртулгазы политиктиг болгаш административтиг системаның реформаларын чорудуп эгелей берген. Чурттуң субъектилериниң удуртукчуларының соңгулдаларын эскертир дугайында саналды РФ-тиң Президентизи В.В.Путин идип үндүрген болгай. Ук саналды чамдык политиктиг күштер девискээрлерниң удуртукчуларының эрге-чагыргазын кошканды деп санап турар. Ынчаарга Президентиниң бо саналын деткээн болгай Силер, ооң ужуру чүдөл, Шериг-оол Дизижинович?

—Ооң ужуру чүү чүвөл дээрге, губернатор— республиканың удуртукчузу кижжи бодумнуң-на кежимде бергелерни база көрүп турар кижжи-дир мен. Россияга демократияны хөгжүдерин Конституцияда айтып каан, ону амьдыралга боттандыра болгай. Чон эрге-чагырганы сонгуур, чон мурнунга эрге-чагырга отчеттуг болур ужурулуг. Шупту эрге-чагырга органның сонгуктаннар: чурттуң Президентизи, губернаторлар, чагырга даргалары, депутаттар оларга хамааржыр. Сөстүң хостуу, политиктиг үзел-бодалдың хостуу, чүдүүр, чүдүвези-

зиниң хостуу херек. Демократияның сайзыралының талазы-биле Тыва мактанып турар Европадан ашкан улус-тур бис. Ажыы-биле чугаалаарга ындыг. Кайда Ооржак солун-сеткүүлдү хаап турарыл? Чок. Кайда радио-телевидениени хаап турарыл? Чок. Кайы истелге органның шаптыктап турар мен. Чок. Кайда мени шүгүмчүлөвейн турар факт-барымдаалар барыл? Мени, Чазакты шүгүмчүлөп турар.

Ындыг-даа болза бо демократияның үезинде 1999 чылда бергедеп келгеш, мен чонга медеглел-дилег кылдым. Конституцияның 105 чүүлүн өскерткеш, чагырга даргаларын өске арга-биле сонгуур саналдадым. Ооң үнген чыылдагаанын мынчаар чугаалаан мен: “Россияда демократия бот-боттарыңа чагыртынмас демократия сонгуттунган, чурттуң Президентизин, губернаторларны, чагырга даргаларын чон сонгуп алыр. Чагырга даргазы адаанда турар кожуунуң чагырга даргаларын чагырып шыдавас. Бирээзи бирээзинге отчеду чок. Губернатор Президентиге база чагыртпас. Ынчангаш мындыг частырыгы эдери-биле Конституцияның 105 чүүлүн өскертири-

биле референдум эрттирерин саналдаан мен.” Ооң кол утказы кожуунуң чагырга даргаларын депутаттар сонгуур кылдыр тургузары турган. Ону референдумга сонгукчуларның барык 70 хуузу ол дээш бадылап, деткээн турган болгай. Ол үеде ажылдап турган федералдыг суд, прокуратура аңаа удурлангаш, ону күш чок болдуруп каан. Чүге ынчаар кылдың дээрге, билдингир чүве ышкажыл, Кызыл хоорайның чагырга даргазы канчап туржук. Ынчангаш мынчап барганда хоржок, бот-боттарыңа үскүлөжир боордан башка, айтырыг орта шиитпирлеттинмес. Адаанда турар чагырга даргаларының хөй нуруузу чоннуң шилип алганы эки кижилер-дир ийин. Мен кайы-даа дарга-биле ажылдап турар мен, Кашин-биле-даа кады ажылдап чоруп-ла турдум. Ынчап кээрге ниити чурттуң иштинге алырга бо “аарыг” болу берген турган чүве-дир.

Ынчангаш кижжи бодап көөрге Президент В.В.Путин ол чүүлдү



дөрт чыл иштинде ажылдап келгеш, эскерип, билип каалкан. Бирээде, В.Путинниң сүмези, ооң идип үндүрген айтырыы болуп турар, ийиде, мону губернаторлар Президентиге чугаалаан-дыр ийин. Бо дээрге губернатор бүрүзүнүң хилинчектенип тургаш, көрген айтырыы-дыр. Ийи таладан бот-боттарыңа уткуштур мынчаар келген бо үениң бир чугула айтырыы болуп турар, ынчангаш шак мынчаар эде кылыр дей берген, ол деткимчени алган, кол-ла чылдагааны бо-дур.

—Тус черниң эрге-чагырга-

зы үстүкү эрге-чагырганың уланчызы болур болгай. Бистиң республикага тус чер эрге-чагырганың реформазы кандыг угланышкынныг боор болза экил? Маңаа хамаарыштыр Силерниң бодалыңар кандыгыл?

—Күрүне Чөвүлелиниң хуралыңа бо айтырыг чүгле Президентиниң илеткелинде эвес, Шаймиевтин, Строевтин болгаш Эскедаа сес-тос кижиниң саналдарында кирген. Бир эвес губернаторларны парламентиниң хоойлужудулга органныңа сонгуурун адаанче улаштырбас чүве болза, оон чүү-даа үнмес. Ындыг болганда улустарның колдуу-ла Башкирияның, Татарстанның, Москваның эрге-чагырга даргаларын боттарының чарлыктары-биле томуйлап тۇрарын деткип турар чорду. Конституцияны, хоойлуларны сагыыр ужурулуг бис деп, Президент В.Путин чугаалаан. Ынчангаш янзы-бүрү вариант турар. Менде ажылдап турар кижилерни дораан-на үндүр-киир сывырар, оларны чарлык-биле томуйлаар үзел-бодал чок. Оларның-биле ажылдап турар мен. Адаанда сонгуктан чагырга даргалары 130 ажыг кижжи бар, олар кызып ажылдап турар улус. Эки чүүлдер дээрге-ле оларның кылып турар ажылы-дыр.

(Уланчызы 2-ги арында).

### “Шын” – Көк-Шаарашта

Барыын-Хемчик биле Бай-Тайга кожууннарның кызыгаарында Көк-Шаараштың одар-белчиирлиг делгемнери чаттылган. “Шын” солуннуң бөлүк ажылдакчылары Барыын-Хемчик кожуунга сургакчылап чорааш, кожууннуң “Сай-Хонаш” муниципалдыг унитарлыг бүдүрүлгезиниң мурнакчы малчыны Николай Шойнакович Хертектиң Көк-Шаарашта кыштаанга эртенги шакта хайнышкынныг ажыл-иш адакталып, мал-маган одарже үне берген турар үеде чеде бердивис.

Чылыдыр одап каан өгнүң бир талазын дүктү сырып тургаш кылган ширтектер, чоорганнарны бедидир чый салган чүк каастап тур. Ооң баарында улуг савада өл инек-мыяан кажжаа сыскыыр кылдыр белеткеп каан чыдыр. Эддин, сүдүн, дүгүн ажыглаарындан аңгыда, өдээн одаар, сиирин хендир кылгаш, дааранып болур, мыйызын бижек сыптаар дээш, малдың кижжи билбес ажыы-ла улуг, магалыг амытан аа.

Дөрде аалдың херээжен ээзи Олимпиада Хертековна бичи хостуг үезин ажыглап, эрткен неделяның “Шын” баштаан солуннарын улуг-каралаан олур. Биеэги үелерде ышкаш солун-сеткүүлдү изии-биле чедирер почтачылар чок-даа болза, Көк-Шаараштың малчыннары суурда төрелдериниң ачызында республикада, чуртта болуп турар сөөлгү медээлерден чыда калбайн турарлар-дыр. Николай Шойнакович биле Олимпиада Хертековна шагдан тура өшкү кадарып келген, а



Олимпиада Хертековна өңнүү «Шын»-биле.

малчыннаандан бээр таптыг-ла 25 чыл болуп турар. Олар шээр малды 1000 чедир азырап, боттун-даа хуу малының, күрүненин-даа малының баш саны өзериңге улуг үлүг-хуузуун кирип чоруур. Олар бо чылын 100 баш өшкүден 130 анайны камгалап ап, “Тыва Республиканың алдарлыг малчыны” хүндүлүг атка четкен-даа.



Кыштагда бажың, чунар-бажың, чылыг кажжалар-ла хөй. Ында кежээки үеде движок ачызы-биле электри чырыын кыпсыр кылдыр сывырындактарны кошкан. Мурнакчы малчыннарның 2



Николай Шойнакович чылгызын, инээн кадарып чор.

кызы студентилеп турар. Малчыннар төрөл-дөргүлү-биле кады демнешкеш, бода мал, чылгы малды база хаванны шаа-биле азырап өстүрүп турар. (Аалдың эр ээзи инээн, чылгызын кадарып чорда, орук ара аңаа ужуражып, чурукка тырттырып алыр аргалыг болдувус.)

Малчыннар кышка шыдаар шаа-биле белеткенип, 30 тонна сигенин дүжүргөн. Ооң кадында каш чыл улаштыр хем кежир изиг оъттуг чайлаандан ырак эвесте шөлге суланы, ак-тарааны тарып, багай эвес дүжүттү ап келген. Мал оолдаашкыны шала орайтадыр үш айдан эгелээр кылдыр кошкарларны салган. Ынчангаш кончуг бачым үелер февраль төңчүлөдир, март айда эгелээр. Мал өстүрүп кадарары дег бачым ишке демниг чорук улуг деткимче, ынчан Хертектениң өг-бүлөзи дөргүл-тө-

релдери-биле кады малдың чаш төлүн онча-менди камгалап алыр дээш демниг туруптар.

Аалдың коданында ындамында хоюткулаштыр бир кезек үеде көңгүс ажыглавастан берген турган кажжаа көржеңнерин чыып каан. Ооң-биле чунар-бажың чылыдыр одаарга, саадавас, магалыг. Кидис өгнүң суугузуун база көржең одаарыңа эптик кылдыр тууйбудан таарыштыр туткан. Ынчангаш малчыннар одаар чүүлге белен бергедешпейн турарлар. Ижер сугну “Сай-Хонаш” бүдүрүлгезиниң суг сөөртүр тракторлары кезек-кезек болгаш-ла эккеп турар. Бо айның эгезинде элээн хар чагган болгаш, мал-маган база суг талазы-биле ажырбайн турар.

Чойганмаа САТ. Василий БАЛЧИЙ-ООЛДУҢ тырттырган чуруктары.



Чугула интервью

ОНЗА СОРУЛГАЛЫГ  
ХООЙЛУ

Декабрь 17-ден тура губернаторларны томуйлаарының дугайында федералдыг хоойлу кыштыг болуп кирген: удавас келир 2005 чылда чурттуң Президентизи бодунуң шиитпири-биле регионнарның баштыңнарын солуур арга-шинектиг апаар. Путинниң саналын хөйге чарлаан чеден бээр ук болуушкун янзы-бүрү дидир-дидирлерни болгаш догааштырыгларны болдурбушаан хевээр. Бүрүн эргелериниң хуусаазы 2005 чылдан орай цеде доостур губернаторларны албан-дужаалындан чайладыр бе? Хоойлуда федерация субъектилериниң баштыңнарынның эки туразы-биле халажылгазы деп чүлдүк канчаар билзе экил — шынап-ла, эки туразы бе азы дуокаа “ыйыдышкын” бе? Хоойлунуң мындыг чергелиг “балалчак талаларының” дугайында чугааны бистиң корреспондентивис Тыва Республиканың Чазак Даргазының Канцеляриязының удуртукчузу Дандар Дандар-оолович ООРЖАК-биле чоруткан.



таваанда дайын соондааның салгалыга онаашкан кончуг аар-берге социал шылгалдалар, ажы-биле чугаалаарга, аш-чут чылдар, ынчан кижилер сагышты-биле орта аштанып-чемнен-мейн, акша-хөреңгини аныктарның өөредилгезинче болгаш бедик технологияларже углаарын күрүнеге чепшээрэн турганнар. Аңаа көөрдө Россия шала чымчак, кээргелдиг майыкты шилип алган. Кол идегелди кижиниң тынныг артар арга-шинээн өй-кызыгаарынче эвес, а эрге-чагырганы шимченгир болгаш үре-түнелдиг кылдыр кылыры-биле эргелеп-башкарылга адырында эде тургустунуушкунче углаан.

Кремль, шынап-ла, херек кырында эрге-чагырганың шыңгыы вертикалын тургузуп эгелээн, бо талазы-биле Россия европейжи болгаш америк хевирниң демократиязының майыктарындан озалааш турар. А ол майыктар чүден-даа дээр, ындыг болганда ону хоолгалаар ужуруг бис деп кым чугаалааныл ынчаш? Демократия дээрге хүлээп алырга-ла дораан-на ажылдап эгелээр дүрүмнер чыындызы эвес-ле болгай. Демги-ле Америка бодунуң демократиязын ийи чүс чыл ажыг үе дургузунда тургузуп келген, Европаның дугайында чугаалаандаа херээ чок. Ындыг болганда маңаа хамаарыштыр мээң быжыг үзел-бодалым мындыг: демократия дээрге дүрүмнер чыындызы эвес, а хамааты ниитилелдин кызып чыткаш чедип алганы байдалы, амыдыралдың тодаргай үе-чадазында кижилер амытаннның шигээди алганы арга-дуржулгазынга дөмей дээди философчу хемчээл-дир. Ону айтышкын-биле-даа кирип болбас, кожазындан чээп-даа шыдавас, ону чүгле кызып чыткаш, чедип алыр апаар.

— Чаа хоойлу күштүг болуп кирири билек, «сарыг» парлалганың төлээлери Ш.Ооржакты удавас халап кааптар деп бижип, харында республиканың дээди албан-дужаалынга болур-болбас кандидаттарны адап эгелээннер. Херек кырында байдал кандыг янзылыгы?

— Мээң үзел-бодалым чаа хоойлудан чүгле республиканың амгы баштыңын халаар база ооң албан-дужаалынче боду кордаар арга-шинекти көрүп турар кижилерни чөгөндир чадавас. Көөрге-ле чайлыг херек ышкаш, а шынында оранчокта ындыг эвес болдур ийин. Эрге-чагырганың бо бүгү реформазын Путин федерацияның шупту 89 регионунда амгы удуртукчуларны солууру-биле доюлдуруп эгелээн деп бодаар чүве болза, ол кончуг улуг частырыг-дыр. Мындыг чөгөнгич сорулганың ужуң хамыкты доюлдуруп херээ-даа чок турган. Бо хоойлукта безин, херек апарза, кандыг-даа регионну бодунга чагырып алыр арга-шинект Кремльде кажанда-даа турган болгаш амдаа бар. Реформаларның сорулгалары ханы болгаш ооң хемчээли улуг, ооң бодаралы, мен бодаарымга, политиктиг азы өскөбир чылдагаан-дөстүг эвес, а экономиктиг үндөзүннер-биле холбашкан. Кысказы-биле чугаалаарга, Президент Россияның көдүрлүүшкүндө турар байдалындан, таарымчалыг социал-экономиктиг байдалдан бурунгаар шеле чүткүүрү-биле болдунар-ла чүүлдерни долузу-биле алыр деп шиитпирлеп алган. Янзы-бүрү чурттар аңгы-аңгы чылдарда бо сорулганы бодунуу-биле тустуунда шиитпирлеп келгеннер. Япон хуулгаазынын үндөзүн-

дырган. Социал адырда кириген чаартылгалар, ооң иштинде келир чылда көрдүнгөн шалың акшазының адалдыг хемчээлинин өзүлдези база, шеле чүткүүшкүнге белеткелдин эскиди-дир.

Адактын соонда бистиң чугаа-выстың эгезин салган эрге-чагырганың бүгү вертикалының реформазы. 90 чылдарның эгезинде кол нуруузуна анархияга дөмейлешкек ельцинчи демократияның чалгырынга тургустунган эргелеп-башкарылганың институту база ооң механизмнери туолунга кирип эргижирээн. Эгезинде-ле олар ындыг-ла кончуг үре-түнел чок турганнар. Демократия деп адаар эрткен-барган 13 чылдарның дургузунда чүңү көрбедивис дээр. Чаңгыс Кашин безин кайы хире болчук. Сөс кырында чугаалаарга, эрге-чагырганың реформазының дугайында айтырыг дүүн-даа, бөгүн-даа тургустунуп келбээн. А бөгүн шиитпирлиг болгаш, бодавыже, үр үеңиң шилчилгезинге белеткенип тургаш, ону орайтаткан ажыг чок болуп келген, чүге дизе ылап-ла күрүңе менеджментинге ол бүгү дээш харысалга онаажып турар. Тывалар “эки чылгычының ады чүгүрүк” деп чугаалажыр. Мында база шак ындыг.

Ындыг болзажок база катап катаптап каайн, реформа дээрге бүгү губернаторлар корпусун бүрүнү-биле чаа кижилер-биле солуур дивээни-дир. Кайын-на Кремль арга-дуржулгалыг эргелеп-башкарыкчы кадрларын кайы хамаанчокка төтөгөлей бээр чүве деп. Ылаңгыя Тыва ышкаш, экономиктиг-даа, политиктиг-даа талазы-биле нарын болгаш бир тускайлаң регионнарга хамаарыштыр.

Республиканың амгы баштыңының халажылгазынга хамаарышкан чугаалаарга холбаштыр чүңү сөглөп болурул... Ындыг көп чугааларны хүннүң-даңның чыгыы хөрлээдип тур ышкажыл. Ельцин эрге-чагыргадан чоруй баарга — а-хайт, ам удавас бистиң “чорудуптар” дидир турду. Путин күрүңе баштай бээр — ам, шынап-ла, Ооржактың хадыыр үези келген деп турдулар. Сибирь федералдыг округка Драчевскийни томуйлап каарга — ол-ла-дыр, бо кижин Ооржакты чиптер эвес деп келдилер. Республиканың иштими херектер сайыды кылдыр Аренини чорудуптарга — че, бодаа кижилер Ооржакты кыңчыктыр-базы, кинчилээри-биле келген дидир турдулар. Ам чүл ынчаш? Чок, мен бистиң аравыста чүвени өттүр көөр мен дээр кижилерге бүзүрөвес мен. Хамык ужур оларның алдагаш, чазып турарында-даа эвес. Хамык ужур ол “өттүр көөрүшкүннерни” кол кезинде удуп-даа чыткаш, эрге-чагырганы рулдап турар кылдыр сагыштаар кижилерниң төлөп берип турарында.

— Хоойлуда регионнар баштыңнары боттарының бүрүн эргелерин хуусаа бетинде соксадып болур эргелиг деп айткан болгай. Бистиң республикавыстың баштыңы ол эргени ажыглаар бе азы арткан хуусаазын төндүр ажилдаар бе?

— Солун айтырыг-дыр. Ынчалза-даа мен Шериг-оол Дижиковичиниң адындан харылап шыдавас мен. Кара угаан-биле алыр чүве болза, силерниң шын, республиканың баштыңы бодунга бүзүрелдин дугайында айтырыгны Президентиниң мурнунга тургускаш, бүрүн эргелерин хуусаа бетинде соксадып-даа, албан-дужаалын хуусаа төңгүжеге ээлеп-даа болур. Бир эвес ооң халажылгазын Президент боду эгелей-лер бербес болза. Ындыг-даа бол ындыг чергелиг эгелээшкүнге кончуг шыңгыы барымдаалар херек дээрзин билеп-ле тур боор силер. Бодум хуумда ындыг барымдааларны амды дээрзинде көрбөй тур мен.

— Президентиниң кандидатуразын хүлээп көрбөс аргалыг болганын оппозиция амырап ханмайн турар. Удур туржуушкун туруп болгу дег таварылгада мындыг чүүл республика парламентиңин тарадырынга чедире бербес бе?

— Ылап-ла амырап ханмайн турар улустар бар чүве бе? Ажыы-биле чугаалаарга, чүү дээш амыраар ужуруун билбейн тур мен. Бир эвес бистиң депутаттарывыс, шынап-ла, чурттуң Президентизи-биле моңажырын даап бодап, ооң кандидаттарын кыдыынче чүү идерин семеп турар чүве болза, бир-ле болза олар бүтпөй барган политиктер-дир, чок-ла болза анаа-ла харысалга чок кижилер-дир. База катап катаптаайн: регионнарның баштыңнарын томуйлаарының чаа чурумунда чугаа херек кырында шыңгыы эрге-чагырга вертикалын шыңгыы аргалар-биле тургузарының дугайында чоруп турар. Регионалдыг хоойлу бодарадыкчыларынга чижилге чок кандидатты саналдап киририн чугаалаарга-ла, четчир. Ийе, ук хоойлуда чурттуң Президентизи парламентарийжилерниң шииткелинге губернаторнуң албан-дужаалынга кандидатураларны ийи удаа кирип болурун көрүп каан, ооң-биле сула чаңнашкыннар төнгөн. А ооң соонда хүлээп көрбээн азы шиитпир үндүрбээн таварылгада парламентини тарадыр. Ол-ла-дыр. Чилинче кири ханылар чүве болза, маргыжыг азы ультиматум туржук, кандидатураның сайгаржып чугаалажышкынын безин болдурбас. Хоойлуну Күрдумага хүлээп ап турар үе-чадаа регионалдыг парламентиңилер аңаа оода-чадаарда кандидат бодунуң хөдөлишкүннериниң программанын кириген турар ужуруун айтып турар пунктуну немээрин дилээннер. Ынчалза-даа Дума ону кириген ажыг чок деп көргөн.

Мен бодаарымга, президент-биле моңажып арга-шинекке холбаштыр депутаттарның амыраашкыны оларның күүсекчи эрге-чагырга системазында шиитпирлерни канчаар хүлээп ап турарын шуут-ла билбээнин үнүп турар хире. Путинниң кандыг-даа шиитпир — ол дээрге ооң бодунуң амы-хууда, оон туржук ооң дуулакчыларының бөлүүнү аагы, могады эвес-ле болгай. Мында чугаа кандыг-бир тодаргай кижиниң дугайында эвес, а эрге-чагырганың бо таварылгада — президентиниң эрге-чагырганың институтунуң дугайында. Президентиниң чарлык бүрүзү дээрге-ле янзы-бүрү эксперттерниң чүзүндө арттырбайн хынап каапканы, амыдыралдың аңгы-аңгы адырларына уржуктарның болгаш перспективаларның анализи-биле быжыглаттынган хөй-хөй ведомстволарның болгаш специалистерниң ажылының түннели-дир. Ындыг болганда Кремль кайда-чүде регионалдыг парламентарийжилерниң удур туржуушкунундан корга бээр, ынчангаш оларның сеткилинге таарышпаан кандидатты өскөзүңгө солуй бээр деп бодаары — анаа-ла-бир каттырынчыг чүүл-дүр.

Кандидаттарга хамаарыштыр регионнар-биле сүмележишкүннер чоруттунары чугаажок. Ылап-ла парламентиңилер-биле эвес болбайн аан — кым-биле база канчаар сүмележири президентиниң шиитпир эргези-дир. Чаа чурумну кириериниң мурнунда безин регионнарның баштыңнарын солугуру турган үеде шак мындыг сүмележиглер, ажык эвес хевирлиг бол, турганы ам кымга-даа чажыт эвес. Ынчалза-даа чаңгыс-ла чүүл чарт билдинген турар ужурул: федерация субъектинде дээди албан-дужаалче чүгле Кремльге долузу-биле тааржып турар кижини томуйлаар.

Ю.НИКИТИН.









